

Dia nacional 18 maart 2009 cu :

Exposicion di homenaje na Juan Chabaya Lampe: "Padu del Caribe"



ORANJESTAD - Nos no lo menciona nomber di tur esnan cu a traha den e bunita proyecto di un exposicion special dedica na Juan Chabaya Lampe, cariñosamente conoci como

Padu of Padu del Caribe, cu a keda realiza dia 18 di Maart 2009, den Cas di Cultura, pero simplemente, cu e ta un proyecto cu a nace di curazon di nos primera dama Sra. Clarette Refunjol-Lopez. Ta algo cu Aruba completo tawata spera y warda riba dje pa hopi tempo, aunke na su edad di 80, el a ricibi un homenahe den Cas di Cultura cu musica, canto, baile y declamacion di poesia. In between el a haya multiple forman social cultural di atencion tambe. E.o. di Paseo Herencia, aunke nan no sa usa e nomber di Plaza Padu asina hopi mas.

Awe, den 2009, nos tata di cultura Juan Chabaya Lampe, conoci internacionalmente como Padu del Caribe y pa nos aki na Aruba como "Padu"

a haya hopi amor y atencion atrobe den un forma di un exposicion pa corda Padu pa semper.

Sigui lesa pagina 21





Continuacion di pagina 20

Pa Padu sa, cu nos tin'e semper den nos curazon. Su bon amigo pianista Sr. Norman Moron a bini for di Corsou y a compaña e amigonan musico fiel di Padu, entre nan Doodle Sophia, Mario Middendorp y Papito Raphael di Dakota tur dia den un banda musical di clase, cu cancionnan di Padu.

Grupo scout Kimball O'Hara a para den un Ere-haag y bou canto di un yell a ricibi y yama Padu un Bon Bini na Cas di Cultura, despues cu Padu a sinta goza di e parada tradicional di dia 18 di Maart hunto cu nos dignitarionan. Un bon expo, un chispa di loke tur Padu a haci y duna Aruba, hinca bon den otro, cu presentacion di e busto di Padu, traha pa un bon amigo

di famia Lampe for di hopi aña pasa.

Por bisa anto, cu gobierno a spaar placa akinan, pasobra no ta nan a regala Padu e busto aki. Pero cualkier gobierno cu a yega di goberna y of ta gobernando, sa, cu Padu merece. "A taste of Belgium" entre otro, a percura pa e dushi snacksnan, mientras cu tawatin bolo pa cortesía di un di nos hotelnan luhoso. E exposicion aki ta habri solamente un par di dia, segun por a comprende. Famianan, yiu muhe Vivian y Victor, Boei y Grecelle Croes y demas famia a keda sumamente contento cu e atencion special aki, dedica na Padu.

Adhunto cu e cuadranan di Padu, presta for di e doñonan, tin un of otro splicacion y of mensahe bunita, describi pa un di nos artistanan Stan Kuiperi



di su curason artistico. Ki bunita, pa na bida duna Padu, un exposicion di e forma aki, riba dia 18 di Maart 2009, Padu, como co-compositor di nos himno nacional. Ta un Padu so tin.....y Aruba tin e bendicion di tin'e keto bay cu nos. Aruba ta bendiciona pa tin su herencia grandi cultural na rikeza di letranan y melodianan hamas lubida.

Padu... take it easy... no cansa curpa di mas... y sigui goza di tur locual bida y Aruba tin pa ofrece, dia pa dia... como un bunita regalo mas di Dios... Pabien Aruba cu "Refleho di bida di Padu del Caribe, un gran arquitecto cultural".

Skirbi pa Ruthy" Lady Ruth" Vrieswijk-Bergen, cu hopi amor y cariño.